

TERMA DAN SYARAT UNIT TRUST 2026 FESTIVE CAMPAIGN

UNIT TRUST 2026 FESTIVE CAMPAIGN (Kempen) ini dianjurkan oleh Bank Kerjasama Rakyat Malaysia Berhad (Bank Rakyat). Dengan menyertai Kempen ini, pelanggan harus membaca dan memahami sepenuhnya dan bersetuju untuk terikat dengan Terma dan Syarat yang terkandung di sini.

A. Kelayakan dan Syarat Penyertaan Kempen

1. Kempen ini terbuka kepada semua pelanggan individu Bank Rakyat yang memenuhi syarat-syarat berikut:
 - a) Mempunyai Akaun Simpanan-i/Semasa-i dengan Bank Rakyat.
 - b) Lulus penilaian kesesuaian pelaburan (suitability assessment).
 - c) Melengkapkan dokumentasi pelaburan yang diperlukan.
2. Bagi melayakkan pelanggan mendapat keistimewaan Kempen, pelanggan perlu:
 - a) Membuat pelaburan secara tunai dalam *Unit Trust* (dana yang mempunyai upfront sales charge) .
 - b) Pelaburan minimum adalah RM100,000.
 - c) Melanggan sekurang-kurangnya satu (1) produk Takaful ATAU Wasiat .
 - d) Pelaburan dibuat dalam tempoh Kempen sahaja.

B. Tempoh Kempen

1. Kempen ini bermula dari 1 Mac 2026 sehingga 30 April 2026.
2. Bank Rakyat boleh menukar atau meminda tempoh Kempen (melanjutkan, memendekkan atau memberhentikan) sekiranya perlu pada bila-bila masa.

C. Promosi/Keistimewaan Kempen

1. Pelanggan yang memenuhi syarat-syarat yang dinyatakan di atas akan menikmati **kadar caj jualan (sales charge) keutamaan** berdasarkan jumlah pelaburan.

Pelaburan	Caj Jualan
RM100,000 – RM299,999	2.00%
RM300,000 – RM499,999	1.50%
RM500,000 dan ke atas	1.00%

Nota: i) Kadar caj jualan ditentukan berdasarkan setiap transaksi

ii) Kadar caj jualan tidak boleh digabungkan dengan promosi lain

iii) Transaksi yang dibatalkan atau diselaraskan akan dikira semula caj jualan

2. Pihak Bank berhak untuk membatalkan atau menarik balik keistimewaan kadar caj jualan tersebut dan membuat pelarasan sewajarnya, termasuk mengenakan semula kadar caj jualan piawai, sekiranya berlaku mana-mana keadaan berikut:

- Transaksi pelaburan dibatalkan, ditarik balik, ditebus dalam tempoh bertenang (*cooling-off period*) atau diselaraskan atas apa jua sebab;
- Dokumentasi pelaburan, pengesahan pelanggan atau rekod sokongan didapati tidak lengkap, tidak tepat atau tidak memenuhi keperluan operasi Bank;
- Pelanggan gagal memenuhi penilaian kesesuaian pelaburan (*suitability assessment*), termasuk ketidakpadanan profil risiko atau maklumat kewangan yang diberikan; atau
- Transaksi didapati melanggar mana-mana polisi, garis panduan dalaman atau keperluan kawal selia Bank Rakyat.

Sekiranya mana-mana keadaan di atas berlaku selepas pelaburan dilaksanakan, Bank berhak untuk menyemak semula dan melaraskan caj jualan kepada kadar standard yang berkenaan serta mengambil sebarang tindakan lanjut yang difikirkan perlu dengan pemberian notis terlebih dahulu kepada pelanggan.

D. Pematuhan Syariah

Kempen ini tidak mengubah struktur Syariah produk Unit Trust, Takaful atau Wasiat dan dilaksanakan selaras dengan garis panduan dalaman Bank.

E. Terma dan Syarat Am

- Dengan menyertai Kempen ini, peserta atau pelanggan secara nyata bersetuju membenarkan data peribadi mereka dikumpul, diproses dan digunakan oleh Bank Rakyat mengikut Notis Privasi Bank Rakyat yang boleh dilayari di www.bankrakyat.com.my.

2. Peserta atau pelanggan bersetuju memberikan hak eksklusif kepada Bank Rakyat untuk mencetak dan menerbitkan nama serta gambar bagi tujuan promosi di akhbar, majalah, laman web korporat Bank atau mana-mana saluran sesuai yang ditetapkan oleh Bank.
3. Dengan menyertai Kempen ini, peserta atau pelanggan bersetuju untuk membenarkan Bank, anak syarikat, sekutu, pemegang lesen, pengarah, pegawai, ejen, kontraktor bebas dan agensi pengiklanan penggunaan promosi nama pelanggan dan butiran peribadi (jika diperlukan) untuk komunikasi, perdagangan promosi, secara keseluruhan dalam mana-mana media yang dirancang sekarang atau selepas ini tanpa pampasan lanjut melainkan dilarang oleh undang-undang.
4. Melainkan dinyatakan sebaliknya, Bank Rakyat boleh meminda, membatalkan atau menambah mana-mana Terma dan Syarat ini dari semasa ke semasa dengan memberi notis terlebih dahulu di laman web Bank atau mana-mana medium komunikasi lain yang sesuai dan sebarang pindaan, pembatalan atau penambahan akan berkuat kuasa selepas notis dikeluarkan atau diterbitkan.
5. Bank Rakyat berhak untuk menolak dan/atau mengeluarkan mana-mana penyertaan yang tidak tepat, tidak lengkap, mencurigakan atau tidak sah serta tidak memenuhi syarat seperti yang dinyatakan dalam Terma dan Syarat.
6. **PENAFIAN: TERTAKLUK PADA APA YANG DIBENARKAN OLEH UNDANG-UNDANG, BANK RAKYAT DAN ANAK SYARIKATNYA TIDAK AKAN BERTANGGUNGJAWAB KEPADA PELANGGAN/PESERTA ATAU MANA-MANA PIHAK KETIGA (KECUALI UNTUK LIABILITI YANG TIMBUL DARI KECUAIAN MELAMPAU, SALAH LAKU, SENGAJA, FRAUD ATAU KEINGKARAN SENGAJA BANK RAKYAT) UNTUK KEROSAKAN LANGSUNG, TIDAK LANGSUNG, KHAS, SAMPINGAN, GANTI RUGI TELADAN ATAU AKIBAT KEROSAKAN (TERMASUK KEHILANGAN PENGGUNAAN, DATA, PERNIAGAAN ATAU KEUNTUNGAN) YANG TIMBUL DARIPADA ATAU BERKAITAN DENGAN PENYERTAAN DALAM KEMPEN INI, SAMA ADA LIABILITI TERSEBUT BERLAKU BERPUNCA DARIPADA APA-APA TUNTUTAN BERASASKAN KEPADA KONTRAK, JAMINAN, TORT (TERMASUK KECUAIAN), LIABILITI KETAT ATAU SEBALIKNYA, DAN SAMA ADA PELANGGAN/PESERTA TELAH DINASIHATKAN ATAU TIDAK KEMUNGKINAN KERUGIAN ATAU KEROSAKAN BOLEH BERLAKU.**

7. Bank Rakyat tidak akan bertanggungjawab atas sebarang kemungkinan yang disebabkan oleh bencana alam, peperangan, rusuhan, perintah berkurung, kebakaran, banjir, kemarau, ribut, epidemik atau pandemik, kegagalan sistem atau sebarang keadaan di luar kawalan Bank.
8. Dengan menyertai Kempen ini, peserta atau pelanggan secara nyata bersetuju untuk terikat dengan Terma dan Syarat yang terkandung di sini, termasuk keputusan Bank Rakyat yang muktamad, mengikat dan konklusif.
9. Terma dan Syarat akan ditadbir dan ditafsirkan mengikut undang-undang di Malaysia. Untuk maklumat dan pertanyaan lanjut, sila hubungi Pusat Panggilan Bank Rakyat di 1300 80 5454, kunjungi cawangan Bank Rakyat atau layari laman web rasmi Bank Rakyat di www.bankrakyat.com.my